

Hāmhai lésu ê Imbô

(Mt 26:1~5; Mk 14:1~2; Lh 11:45~53)

22 Bôkàⁿ cheh, mā kiòchò Pôaⁿkòe cheh, teh beh kàu à. ² Chèsitiúⁿ kah kenghàk kàusu beh chhōe khòaⁿ ū siáⁿmih khah hó ê pānhoat thang lâi sathāi lésu; inūi in chin kiaⁿ bînchiòng.

lôtah Tôngi Chhutbē lésu

(Mt 26:14~16; Mk 14:10~11)

³ Hit sî, Satán tòh chìnjip hitê kiòchò Kaliók lâng lôtah ê simlāi; i sī chápjī sùtô chi it. ⁴ I tòh khì kah hiahê chèsitiúⁿ íkíp sèngtiān ê siúōetiúⁿ chhamsiông, khòaⁿ beh ēng siáⁿmih pānhoat lâi kâ lésu kau hō in. ⁵ In chin hoaⁿhí, koh tapèng beh hù chîⁿ hō i. ⁶ lôtah tôngi liáuāu, tòh khaisí chhōe kihōe, beh tī kúnchiòng bô kah lésu chòhóe ê sî, kâ lésu kau hō in.

lésu Chúnpī Chiáh Pôaⁿkòe Cheh ê Boánchhan

(Mt 26:17~25; Mk 14:12~21; Lh 13:21~30)

⁷ Bôkàⁿ cheh kàu à, hit jít tiòh ài thài Pôaⁿkòe cheh ê iúⁿá kiáⁿ. ⁸ lésu chhephài Peteloh kah lôháneh, kâ in hoanhù kóng, “Lín khì chúnpī Pôaⁿkòe cheh ê boánchhan.”

⁹ In m̄ng l kóng, “Lí ài goán khì siáⁿmih sóchāi chúnpī?”

¹⁰ lésu kâ in kóng, “Lín jìpkhì siáⁿlāi, tòh ē tú tiòh chítê kōaⁿ chúipân ê lâng, lín tiòh tòe i jìpkhì hit keng chhù, ¹¹ m̄ng hit keng chhù ê chúlâng kóng, ‘Lāusu kautài goán m̄ng lí kóng , l kah l ê buntô beh chiáh Pôaⁿkòe cheh ê boánchhan ê khehthiaⁿ tī siáⁿmih sóchāi?’ ¹² Hitê lâng tòh ē pò lín khòaⁿ láuténg chít keng íkeng pòtì hósè ê tōa khehthiaⁿ; lín tòh tī hia chúnpī Pôaⁿkòe cheh

陷害耶穌 ê 陰謀

(太 26:1~5 ; 可 14:1~2 ; 約 11:45~53)

22 無酵節，mā 叫做 Pôaⁿ 過節，teh beh 到 à。 ² 祭司長 kah 經學教師 beh chhōe 看有啥物 khah 好 ê 辦法 thang 來殺害耶穌；因為 in 真驚民眾。

猶大同意出賣耶穌

(太 26:14~16 ; 可 14:10~11)

³ Hit 時，撒旦 tòh 進入 hitê 叫做加略人猶大 ê 心內；伊是十二使徒之一。 ⁴ 伊 tòh 去 kah hiahê 祭司長以及聖殿 ê 守衛長參詳，看 beh 用啥物辦法來 kâ 耶穌交 hō in。 ⁵ In 真歡喜，koh 答應 beh 付錢 hō伊。 ⁶ 猶大同意了後，tòh 開始 chhōe 機會，beh tī 群眾無 kah 耶穌做伙 ê 時，kâ 耶穌交 hō in。

耶穌準備食 Pôaⁿ 過節 ê 晚餐

(太 26:17~25 ; 可 14:12~21 ; 約 13:21~30)

⁷ 無酵節到 à，hit 日 tiòh ài thài Pôaⁿ 過節 ê 羊 á kiáⁿ。 ⁸ 耶穌差派彼得 kah 約翰，kâ in 吩咐講：「Lín 去準備 Pôaⁿ 過節 ê 晚餐。」

⁹ In 問祂講：「祢 ài 阮去啥物所在準備？」

¹⁰ 耶穌 kâ in 講：「Lín 入去城內，tòh ē tú tiòh 一个 kōaⁿ 水瓶 ê 人，lín tiòh tòe 伊入去 hit 間厝， ¹¹ 問 hit 間厝 ê 主人講：『老師交帶阮問你講，祂 kah 祂 ê 門徒 beh 食 Pôaⁿ 過節 ê 晚餐 ê 客廳 tī 啥物所在？』 ¹² Hitê 人 tòh ē 報 lín 看樓頂一間已經布置好勢 ê 大客廳；lín tòh tī hia 準備 Pôaⁿ 過節 ê 晚餐。」

ê boánchhan.”

13 In tòh khì, tàk hāng tāichì kójiān lóng chiàu lésu số kóng ê áne , sói in tòh tī hia pīpān Pôaⁿkòe cheh ê boánchhan.

Chú ê Boánchhan

(Mt 26:26~30; Mk 14:22~26; 1Klt 11:23~25)

14 Sīkan chitē kàu , lésu tòh kah I ê sùtō chētoh. 15 lésu kā in kóng, “Góa ittit chin ñgbāng tī siūlān íchēng , kah lín chòhóe chiáh chit tng Pôaⁿkòe cheh ê boánchhan. 16 Góa kā lín kóng, inūi tui chit má khí, ittit kàu Pôaⁿkòe cheh ê ìgī tī SiōngChú Kòkō sīthiān hit sī , Góa choattui bē koh chiáh chit khoán ê boánchhan.”

17 Jiānāu, lésu phāng poe khí lâi, chioksiā liáuāu, kóng, “Lín phāng chitē poe khí tākē chòhóe lim. 18 Góa kā lín kóng, inūi tui chit má khí, ittit kàu SiōngChú Kòkō lâilīm hit sī , Góa choattui bē koh lim phūtō chiú.”

19 Jiānāu, lésu thèh mīpau khí lâi , chioksiā liáuāu, peh khui, pun hō I ê buntō , kóng, “Che sī Góa ê sengkhu , [sī ūi tiòh lín hiseng ê , lín tiòh chiàu áne chò, lâi kiliām Góa.] 20 Boánchhan āu, I mā chiàu áne phāng poe khí lâi, kóng, “Chitē poe sī ēng Góa teh beh ūi lín lâu chhutlâi ê hoeh số līp ê Siniok.

21 “Lín khòa! Hitē beh chhutbē Góa ê lāng ê chhiú, kah Góa ê chhiú tī káng chit tē tohténg! 22 Inūi Jínchú ē chiàu kengtián số itēng ê lâi sí , m̄ koh, chhutbē I ê lāng ē ū chaihō!”

23 In tòh khaisi h ōsiong gīlūn , m̄ng kóng in tiongkan tàuté sī tó chitē lāng ē chò chit khoán tāichì.

Siáⁿlāng Siōng Tōa

24 Buntō teh chenglūn in tiongkan siáⁿlāng sī siōng tōa ê. 25 lésu kā in kóng, “Sèchiūⁿ ê

13 In tòh 去 , tàk 項 tāichì 果然 lóng 照耶穌所講 ê áne , 所以 in tòh tī hia 備辦 Pôaⁿ 過節 ê 晚餐。

主 ê 晚餐

(太 26:26~30 ; 可 14:22~26 ; 林前 11:23~25)

14 時間一下到 , 耶穌 tòh kah 祂 ê 使徒坐桌。 15 耶穌 kā in 講 : 「我一直真 ñg 望 tī 受難以前 , kah lín 做伙食 chit 頓 Pôaⁿ 過節 ê 晚餐。 16 我 kā lín 講 , 因為 tui chit má 起 , 一直到 Pôaⁿ 過節 ê 意義 tī 上主國度實現 hit 時 , 我絕對 bē koh 食 chit 款 ê 晚餐。」

17 然後 , 耶穌 phāng 杯起來 , 祝謝了後 , 講 : 「Lín phāng chitē 杯去大家做伙 lim。 18 我 kā lín 講 , 因為 tui chit má 起 , 一直到上主國度來臨 hit 時 , 我絕對 bē koh lim 葡萄酒。」

19 然後 , 耶穌 thèh 麵包起來 , 祝謝了後 , peh 開 , pun hō 祂 ê 門徒 , 講 : 「這是我 ê 身軀 , [是為 tiòh lín 犧牲 ê , lín tiòh 照 áne 做 , 來記念我。] 20 晚餐後 , 祂 mā 照 áne phāng 杯起來 , 講 : 「Chitē 杯是我 teh beh 為 lín 流出來 ê 血所立 ê 新約。」

21 「Lín 看 ! Hitē beh 出賣我 ê 人 ê 手 , kah 我 ê 手 tī 全一塊桌頂 ! 22 因為人子 ē 照經典所預定 ê 來死 , m̄ koh , 出賣祂 ê 人 ē 有災禍 ! 」

23 In tòh 開始互相議論 , 問講 in 中間到底是 tó 一個人 ē 做 chit 款 tāichì 。

啥人 Siōng 大

24 門徒 teh 爭論 in 中間啥人是 siōng 大 ê。 25 耶穌 kā in 講 : 「世 chiūⁿ ê 君王用權柄統治 in ê

kunông ēng koânphèng thóngtī in ê jīnbîn, jīchhiáⁿ in kā chiángkoánchiá chhengchò 'jīnbîn ê unchú.'
26 M̄ koh, lín khiok m̄ sī áñne ! Lín tiongkan siōng tōa ê lāng , tiantò tiòh chiáⁿchò chhinchhiūⁿ siōng sè ê; chò léngtōchiá ê , tiantò tiòh chhinchhiūⁿ lôpók. 27 Tàutê siáⁿlāng kah tōa? Sī hitê chētoh ê, á sī hitê cháutoh ê? Tongjiân sī chētoh ê kah tōa . M̄ koh, Góa tī lín tiongkan, sī chhinchhiūⁿ hitê cháutoh ê. 28 M̄ koh, tī Góa ê chhiliân tiong , thāubóe ittit kah Góa chòhóe ê tòh sī lín . 29 Chhinchhiūⁿ Góa ê ThiⁿPē kā ôngūi sù hō Góa, Góa mā beh kā ôngūi siúⁿsù hō lín, 30 hō lín tī Góa ê kòktō̄ lāi kah Góa chētoh, limchiáⁿ, jīchhiáⁿ chē tī póchō, lāi símphòⁿ Isulael ê chápī chiphài.”

Ìgiân Peteloh m̄ Jīn Chú

(Mt 26:31~35; Mk 14:27~31; Lh 13:36~38)

31 “Símòng ah, Símgòng, lí khòaⁿ! Satán sengchheng in ū tit tiòh ínchún , beh chhinchhiūⁿ chohsitlāng thai béh'á áñne kā lín thai. 32 M̄ koh, Símgòng ah, Góa íkeng ū thè lí kító , hō lí bē sitkhi sìnsim. Lí hôesim choáⁿi liáuāu , tiòh kiankò lí ê hiaⁿtī.”

33 Símgòng ìn I kóng, “Góa íkeng chúnpī beh kah Lí khì chē kaⁿ, kah Lí chòhóe sí.”

34 Iésu kā i kóng, “Peteloh, Góa kā lí kóng , kin'ájit ke íaubōe thī, lí tòh ē saⁿ pái m̄ jīn Góa.”

Chīⁿ Tē'á kah Tokiàm

35 Iésu kā búntō kóng , “Cháchheng Góa chhephài lín chhutkhi thoântō ê sí, lín bô tōa chīⁿ tē'á, mā bô tōa ê, lín kám ū khiàm ēng siáⁿmih?”

In ìn kóng, “Bô.”

36 Iésu kā in kóng, “M̄ koh chitmá, ū chīⁿ tē'á ê lāng tiòh tōa khi; ū hênglítē ê lāng mā tiòh kōaⁿ khi; bô khiàm ê lāng tiòh bē kakī ê gōasaⁿ khi bé

人民，而且 in kā 掌權者稱做『人民 ê 恩主』。 26 M̄ koh, lín 卻 m̄ 是 áñne ! Lín 中間 siōng 大 ê 人，顛倒 tiòh 成做親像 siōng 細 ê ; 做領導者 ê，顛倒 tiòh 親像奴僕。 27 到底啥人 kah 大 ? 是 hitê 坐桌 ê，á 是 hitê 走桌 ê ? 當然是坐桌 ê kah 大。 M̄ koh, 我 tī lín 中間，是親像 hitê 走桌 ê。 28 M̄ koh, tī 我 ê 試煉中，頭尾一直 kah 我做伙 ê tòh 是 lín。 29 親像我 ê 天父 kā 王位賜 hō 我，我 mā beh kā 王位賞賜 hō lín, 30 hō lín tī 我 ê 國度內 kah 我坐桌、lim 食，而且坐 tī 寶座，來審判以色列 ê 十二支派。」

預言彼得 m̄ 認主

(太 26:31~35 ; 可 14:27~31 ; 約 13:36~38)

31 「西門 ah, 西門, 你看 ! 撒旦聲稱 in 有得 tiòh 允准, beh 親像作穡人篩麥 á áñne kā lín 篩。 32 M̄ koh, 西門 ah, 我已經有替你祈禱, hō 你 bē 失去信心。你回心轉意了後, tiòh 堅固你 ê 兄弟。」

33 西門應祉講 : 「我已經準備 beh kah 祢去坐監, kah 祢做伙死。」

34 耶穌 kā 伊講 : 「彼得, 我 kā 你講, 今 á 日雞 iáu 未啼, 你 tòh ē 三 pái m̄ 認我。」

錢袋 á kah 刀劍

35 耶穌 kā 門徒講 : 「早前我差派 lín 出去傳道 ê 時, lín 無帶錢袋 á, mā 無帶鞋, lín kám 有欠用啥物 ? 」

In 應講 : 「無。」

36 耶穌 kā in 講 : 「 M̄ koh chitmá, 有錢袋 á ê 人 tiòh 帶去 ; 有行李袋 ê 人 mā tiòh kōaⁿ 去 ; 無

chít ki. 37 Inūi Góa kā lín kóng, kengtián ū kichài kóng: **I mā ē hō lāng liát tī chōehoān tióng**¹⁹ Chit kù ōe ittēng tiòh tī Góa ê sinchiūⁿ ènggiām . Sūsit siōng, kengtián só kichài iúkoan Góa ê tāichì, íkeng teh beh ènggiām ā.”

38 In kóng, “Chú ah, Lí khòaⁿ, chia ū nng ki kiàm.”

lésu ìn kóng, “Ánne kàugiáh ā!”

lésu ê Kító

(Mt 26:36~46; Mk 14:32~42)

39 lésu chhutmng, chiàusiông khì kàu Kaⁿ ná Soaⁿ, buntô mā tòe I khì. 40 Tng I khì kàu hit sóchāi ê sī, lésu kā in kóng, “Tiòh kító, chiah bē hāmjíp iúhék.” 41 Jiânāu, I tòh líkhui in , khì kàu chhaputto hiat chít liáp chiòhthâu hiahnhng ê sóchāi, kúi lòkhì kító , 42 kóng, “Pē ah! Lí nā khéng, tòh kā chitê khópoe phang cháu! M̄ koh, m̄ thang chiàu Góa ê ìsù, tiòh chiàu Lí ê ìsù.”

43 [Ū chitê thiⁿsài tùi thiⁿ tùi I hiánhiān , lái chengka I ê khùilát . 44 lésu simlāi huisiông thòngkhó, tòh jú jiatchhiat kító . I ê kōaⁿ chhinchhiūⁿ chít tih chít tih ê hoeh tihlòh thò kha.]

45 Kító soah, lésu khiā khí lâi, trngkhì buntô hia, khòaⁿ tiòh in inūi pisióng kòethâu soah khùnkhi. 46 I tòh kā in kóng , “Lín ná ē teh khùn? Khílāi kító, chiah bē hāmjíp iúhék.”

lésu hō Lāng Liáh Khì

(Mt 26:47~56; Mk 14:43~50; lh 18:3~11)

47 lésu iáu teh kóng ōe ê sī, tòh ū chít tīn lāng lâi kàuūi . Chápjī sùtô chi it , tòh sī hitê kiòchò lôtah ê, chò chēng teh chhōa lō. I lâi kàu lésu hia,

劍 ê 人 tiòh 賣 kakī ê 外衫去買一支。 37 因為我 kā lín 講，經典有記載講：祂 mā ē hō 人列 tī 罪犯 中¹⁹。Chit 句話一定 tiòh tī 我 ê 身 chiūⁿ 應驗。事實上，經典所記載有關我 ê tāichì，已經 teh beh 應驗 ā。」

38 In 講：「主 ah，祢看，chia 有兩支劍。」

耶穌應講：「Ánne 夠額 ā！」

耶穌 ê 祈禱

(太 26:36~46；可 14:32~42)

39 耶穌出門，照常去到橄欖山，門徒 mā tòe 祂去。 40 當祂去到 hit 所在 ê 時，耶穌 kā in 講：「Tiòh 祈禱，chiah bē 陷入誘惑。」 41 然後，祂 tòh 離開 in，去到差不多 hiat 一粒石頭 hiah 遠 ê 所在，跪落去祈禱， 42 講：「父 ah！祢若肯，tòh kā chitê 苦杯 phang 走！M̄ koh，m̄ thang 照我 ê 意思，tiòh 照祢 ê 意思。」

43 [有一个天使 tùi 天對祂顯現，來增加祂 ê 氣力。 44 耶穌心內非常痛苦，tòh jú 熱切祈禱。祂 ê 汗親像一滴一滴 ê 血滴落土 kha。]

45 祈禱 soah，耶穌 khiā 起來，trng 去門徒 hia，看 tiòh in 因為悲傷過頭 soah 暈去。 46 祂 tòh kā in 講：「Lín ná ē teh 暈？起來祈禱，chiah bē 陷入誘惑。」

耶穌 hō 人掠去

(太 26:47~56；可 14:43~50；約 18:3~11)

47 耶穌 iáu teh 講話 ê 時，tòh 有一陣人來到位。十二使徒之一，tòh 是 hitê 叫做猶大 ê，做前

¹⁹ ISI 53:12

¹⁹ 賽 53:12

beh kā I chim. 48 lésu kā i kóng, “lôtah! Lí ēng chhùi chim, lâi chhutbē Jínchú, sī bó?” 49 Kah lésu chòhóe ê bûntô , khòaⁿ tiòh teh beh hoatseng ê tāichì , tòh kóng, “Chú ah, goán kám thang ēng kiàm?” 50 In kítiong chít lâng , tù tōachèsi ê lôpók phut lóh khì, kā i chiàⁿ pêng ê hīⁿ’á siah khí lâi. 51 lésu kóng, “Soah khì! Màì koh tângchhiú!” I tòh bong hitê lôpók ê hīⁿ’ á, kā i i hó.

52 lésu tòh kā hiahê lâi beh liáh I ê chèsiúⁿ , sèngtiān ê sīōetiúⁿ kah tiúⁿ’ló kóng, “Lín giáh kiàm kah thui’á chhutlâi, kám sī kā Góa tòngchò chítê thóhúí? 53 Góa ták jit kah lín chòhóe tī sèngtiān lâi, lín pêng bô hēchhiú lâi liáh Góa. M̄ koh, chit má sī lín ê síkhek, mā sī oàm sèlek ê thianhā!”

Peteloh m̄ Jīn lésu

(Mt 26:57~58, 69~75; Mk 14:53~54, 66~72; lh 18:12~18, 25~27)

54 In liáh lésu , ah I khì kàu tōachèsi ê Kongkoán. Peteloh lī hñghñg tòe lésu khì . 55 Ū lâng tī tiáⁿ nih ê tiongng khí hóe , Peteloh mā khì chē tī hiahê lâng ê tiongkan. 56 Ū chítê lúpī khòaⁿ tiòh Peteloh chē tī hia teh hanghóe , tòh bákchui kimkim kā i khòaⁿ , kóng, “Chítê lâng mā sī kah lésu tàutīn ê.”

57 M̄ koh , Peteloh m̄ sēngjīn , kóng, “Chabó lâng ah, góa m̄ bat !!”

58 Kòe bô gōa kú , lēnggōa chítê lâng khòaⁿ tiòh i, tòh kóng, “Lí mā sī in tiongkan ê chítê.”

Peteloh kóng, “Pēngiú ah, góa m̄ sī.”

59 Chhaputto koh kòe chít tiámcheng , koh ū chítê lâng toàngiān kóng, “Chítê lâng khaksit mā ū kah I tàutīn, inūi i sī Galílaiah lâng.”

60 Peteloh kóng, “Pēngiú ah, góa m̄ chai lí teh kóng siáⁿmih!”

teh chhōa 路。伊來到耶穌 hia , beh kā 祂 chim。 48 耶穌 kā 伊講：「猶大！你用嘴 chim , 來出賣人子，是無？」 49 Kah 耶穌做伙 ê 門徒，看 tiòh teh beh 發生 ê tāichì , tòh 講：「主 ah , 阮 kám thang 用劍？」 50 In 其中一人，對大祭司 ê 奴僕 phut 落去，kā 伊正 pêng ê 耳 á 削起來。 51 耶穌講：「Soah 去！Màì koh 動手！」 祂 tòh 摸 hitê 奴僕 ê 耳 á , kā 伊醫好。

52 耶穌 tòh kā hiahê 來 beh 掠 祂 ê 祭司長、聖殿 ê 侍衛長 kah 長老講：「Lín giáh 劍 kah 槌 á 出來，kám 是 kā 我當做一個土匪？ 53 我 ták 日 kah lín 做伙 tī 聖殿內，lín 並無下手來掠我。M̄ koh , chit má 是 lín ê 時刻，mā 是烏暗勢力 ê 天下！」

彼得 M̄ 認耶穌

(太 26:57~58, 69~75 ; 可 14:53~54, 66~72 ; 約 18:12~18, 25~27)

54 In 掠耶穌，押祂去到大祭司 ê 公館。彼得離遠遠 tòe 耶穌去。 55 有人 tī 埕裡 ê 中央起火，彼得 mā 去坐 tī hiahê 人 ê 中間。 56 有一个奴婢看 tiòh 彼得坐 tī hia teh 烘火，tòh 目 chiu 金金 kā 伊看，講：「Chítê 人 mā 是 kah 耶穌 tàu 陣 ê。」

57 M̄ koh , 彼得 m̄ 承認，講：「Chabó 人 ah , 我 m̄ bat 祂！」

58 過無 gōa 久，另外一个人看 tiòh 伊，tòh 講：「你 mā 是 in 中間 ê 一个。」

彼得講：「朋友 ah , 我 m̄ 是。」

59 差不多 koh 過一點鐘，koh 有一个人斷言講：「Chítê 人確實 mā 有 kah 祂 tàu 陣，因為伊是加利利人。」

60 彼得講：「朋友 ah , 我 m̄ 知你 teh 講啥物！」

I iáu teh kóng ê sī , ke sūisī tòh thī . 61 Chú oát thâu, bákchhiu kimkim khòaⁿ Peteloh, Peteloh tòh siūⁿkhí Chú tùi i số kóng ê òe , “Kin'ájit ke thī íchêng, lí ē saⁿ pái m̄ jīn Góa.” 62 I tòh chhutkhì gōabīn, tōa siaⁿ thīkhàu.

Hìlāng lésu

(Mt 26:67~68; Mk 14:65)

63 Hiahê khànsiú lésu ê lāng, kā I hìlāng, koh kā I phah. 64 In am I ê bákchhiu , m̄ng I kóng , “Lí nāsī tāigiânjīn, ioh khòaⁿ siáⁿlāng kā Lí phah!” 65 In koh kóng chin chē òe kā I bújiók.

lésu tī Konggīhōe Siū Símphòanⁿ

(Mt 26:59~66; Mk 14:55~64; lh 18:19~24)

66 thiⁿ chítē kng, lûthài lāng ê tiúⁿló, chèsitiúⁿ kah kenghák kàusu tòh chūchíp chòhóe, lésu tòh hông ah khìkàu in ê Konggīhōe. 67 In kā I kóng, “Lí nāsī Kitok, Lí tòh kā goán kóng.”

lésu ìn in kóng, “Góa nā kā lín kóng, lín mā bē siongìn, 68 Góa nā m̄ng lín, lín mā bē ìn Góa. 69 M̄ koh, tùi chitmá khí, **Jīnchú ē chē tī choánlêng SiōngChú ê chiáⁿ pêng.**²⁰”

70 In lóng kóng, “Ánne, Lí tòh sī SiōngChú ê Kiáⁿ, sī bô?”

lésu ìn in kóng, “Sī, chiàu lín kóng ê áne.”

71 In kóng, “Lán kám iáu koh suiàu siáⁿmih chèngjīn? Lán íkeng chhinhīⁿ thiaⁿ tiòh I chhinchhùi số kóng ê òe ā.”

伊 iáu teh 講 ê 時, 雞隨時 tòh 啼。 61 主 oát 頭, 目 chiu 金金看彼得, 彼得 tòh 想起主對伊所講 ê 話:「今 á 日雞啼以前, 你 ē 三 pái m̄ 認我。」 62 伊 tòh 出去外面, 大聲啼哭。

戲弄耶穌

(太 26:67~68; 可 14:65)

63 Hiahê 看守耶穌 ê 人, kā 祂戲弄, koh kā 祂 phah。 64 In 掩祂 ê 目 chiu, 問祂講:「祢若是代言人, ioh 看啥人 kā 祢 phah!」 65 In koh 講真 chē 話 kā 祂侮辱。

耶穌 tī 公議會受審判

(太 26:59~66; 可 14:55~64; 約 18:19~24)

66 天一下光, 猶太人 ê 長老、祭司長 kah 經學教師 tòh 聚集做伙, 耶穌 tòh hông 押去到 in ê 公議會。 67 In kā 祂講:「祢若是基督, 祢 tòh kā 阮講。」

耶穌應 in 講:「我若 kā lín 講, lín mā bē 相信, 68 我若問 lín, lín mā bē 應我。 69 M̄ koh, tùi chitmá 起, 人子 ē 坐 tī 全能上主 ê 正 pêng²⁰。」

70 In lóng 講:「Ánne, 祢 tòh 是上主 ê Kiáⁿ, 是無?」

耶穌應 in 講:「是, 照 lín 講 ê áne。」

71 In 講:「咱 kám iáu koh 需要啥物證人? 咱已經親耳聽 tiòh 祂親嘴所講 ê 話 ā。」

²⁰ SPh 110:1

²⁰ 詩 110:1